



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola LXVII. Gregorii Papae I. Ad Petrvm Svbdiaconvm. Vt exteriorem
curam monasterii Fausto commendet.

urn:nbn:de:hbz:466:1-15221

*Mense Augusto.*EPISTOLA LXVI.
GREGORII PAPÆ I.

AD EVMDEM.

Castigationem iniungit illorum qui sacra vasa & ministeria ecclesiastica Iudæis vendiderunt.

Gregorius Anthemio subdiacono.

FVSCVS archiater ardore fidei prouocatus preces effudit, dicens Opilionem diaconum, sed & seruum Dei Crescentium, clericos * Venafranæ ecclesiæ, oblitos timorem futuri iudicii ministeria antefatæ ecclesiæ Hebræo cuidam, quod dici nefas est, vendidisse: id est, in argento calices duos, coronas cum delphinis duas, & de aliis coronis lilia, pallia maiora sex, & minora septem. Et ideo mox vt præsentem iussionem experientia tua susceperit, memoratos ecclesiasticos ad se faciat indifferenter occurrere, & requisita veritate, si ita esse sicut suggestum est constiterit, memoratum Hebræum, qui oblitus vigorem legum præsumpsit sacra ciuilitate comparare, per iudicem prouinciæ faciat conueniri, & sine aliqua mora antefata ministeria restituere compellatur, vt ex eis sapefatæ ecclesiæ nihil possit imminui. Ipsum autem diaconum vel clericos, qui tantum nefas commiserunt, in pœnitentia relegare non differas, vt tale tantumque delictum suis lacrymis possint diluere.

EPISTOLA LXVII.

GREGORII PAPÆ I.

AD PETRVM SVBDIACONVM.

Vt exterioriorem curam monasterii Fausto commendet.

Gregorius Petro subdiacono Siciliae.

SICVT studii nostri esse condecet a litigiis foralibus monachos submouere, vt diuinis ministeriis pie ac solerter inuigilent, ita necesse est nostra prouisione quemadmodum negotia eorum disponi debeant ordinare, ne distenta mens per varias causarum curas defluat, & ad celebrandum opus consuetum eneruata torpescat. Præ-

Concil. Tom. 13.

Ff ij

sentium itaque lator abbas Ioannes plurima se monasterii sui asserit habere negotia. Pro qua re experientiam tuam per presentis scripti paginam admonemus, quatenus cum Fausto, qui Romani viri magnifici ex pratore cancellarius fuerat, loqui debeat. Cuius si pronam ad hanc rem compereris voluntatem, ei monasterii ipsius generaliter debeas constituto solatio commendare negotia. Expedit enim paruo incommodo a strepitu causarum seruos Dei quietos existere, ut & utilitates cellarum per negligentiam non pereant, & seruorum Dei mentes ad opus domnicum liberiores existant.

EPISTOLA LXVIII.

GREGORII PAPÆ I.

AD EPISCOPOS PER SICILIAM CONSTITUTOS.

Ut hi caueant de his qui fallaciter angarias accipiunt.

Gregorius vniuersis episcopis per Siciliam.

FRATERNITATIS vestrae diu iam probata deuotio tantum nos compellit pro vobis caute prouidere, quanto vos astruit audito nostrae ecclesiae damno studiose concurrere. Cognouimus quosdam in Sicilia insula simulant se sedis apostolicae defensores, de frumento vos in angariis aliisque rebus affligere, necessarioque duximus eorum fallaciae scriptis presentibus obuiare. Ideoque fraternitatem vestram caritate debita salutantes, magnopere commonemus, ut nullo modo talibus deinceps apud vos locus surrependi remaneat: sed quisquis ille est, si reuera sedis nostrae fuerit notarius vel defensor, nisi nostra ad vos specialiter, vel rectoris nostri patrimonii scripta detulerit, nullis per nomen ecclesiae nostrae potiat angariis: nec aliqua vobis ab eo grauamina imponi permittatis, sed suis utilitatibus iter suum propriis, ut nouit, disponat expensis. Nec quemquam ab eo in locis istis patiamini molestari. Haec etenim quae nostris apicibus pro vestra vestrorumque quiete inhibuisse cognoscimur, sic constantius conseruate, ut hoc exuti grauamine, diuinis obsequiis deuoti ac paratiores inueniri valeatis.